

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 9 APRIL 2015, PUKUL 10.00 PAGI

Bil. 20

PERTANYAAN-PERTANYAAN BAGI JAWAB LISAN

1. PR-1331-L66171
Dato' Wira Mohd Johari bin Baharom [Kubang Pasu] minta **PERDANA MENTERI** menyatakan:-
 - (a) bilakah Kerajaan akan membina tembok bagi menggantikan pagar kawat yang sedia ada di sempadan Malaysia/Thailand terutama sekali di kawasan kritikal yang telah dikenal pasti sebagai tempat penyeludupan; dan
 - (b) bilakah Kerajaan akan memasang mesin pengimbas yang canggih supaya setiap kenderaan yang keluar masuk negara ini dapat diimbas dengan sepenuhnya.
2. PR-1331-L65607
Tuan Sim Tong Him [Kota Melaka] minta **MENTERI PELANCONGAN DAN KEBUDAYAAN** menyatakan:-
 - (a) usaha dan program Kementerian untuk mempromosikan pelancongan domestik dan bagaimanakah dengan tawaran tambang-tambang untuk pengangkutan seperti penerbangan, bas dan rel kereta api; dan
 - (b) adakah Kementerian bersedia mengecualikan duti hiburan ke taman-taman tema memandangkan pengunjung-pengunjung taman-taman ini majoritinya pelancong tempatan.
3. PR-1331-L67435
Dato' Seri Tiong King Sing [Bintulu] minta **MENTERI PENGANGKUTAN** menyatakan apakah garis panduan dan prosedur operasi standard Polis Bantuan di lapangan terbang dalam menangani barangan berbahaya (*risk item*) yang diangkut melalui pesawat komersial.

4. PR-1331-L66888
Dr. Haji Izani bin Haji Husin [Pengkalan Chepa] minta **MENTERI PENDIDIKAN** menyatakan adakah Kerajaan mewujudkan program spesifik untuk melahirkan para saintis genius dalam bidang-bidang tertentu untuk kepentingan negara. Jika ada sila nyatakan.
5. PR-1331-L65663
Dato' Othman bin Aziz [Jerlun] minta **MENTERI PERTANIAN DAN INDUSTRI ASAS TANI** menyatakan langkah-langkah dan penyelidikan yang dibuat oleh Kementerian dan agensi berkaitan bagi mengatasi serangan penyakit terhadap tanaman padi.
6. PR-1331-L66452
Tuan Lim Lip Eng [Segambut] minta **PERDANA MENTERI** menyatakan kelemahan-kelemahan yang sedia ada dalam Akta Kebankrapan 1967, apakah status cadangan menggantikan akta itu dengan akta baharu dan jumlah kes kebangkrutan mengikut jantina, bangsa, negeri dan kumpulan umur di bawah 30 tahun.
7. PR-1331-L66183
Datuk Wira Haji Ahmad bin Hamzah [Jasin] minta **MENTERI PERDAGANGAN ANTARABANGSA DAN INDUSTRI** menyatakan prestasi perdagangan luar negeri kita pada tahun 2014 berbanding tahun 2013 serta unjuran kita pada tahun 2015 ekoran daripada impak kejatuhan minyak mentah, kemerosotan nilai RM dan persekitaran ekonomi yang "*hostile*".
8. PR-1331-L66744
Tuan Chua Tian Chang @ Tian Chua [Batu] minta **MENTERI KESIHATAN** menyatakan mengapa tidak vaksin pneumokokal salah satu vaksin yang diberikan kepada semua kanak-kanak di Malaysia secara rutin. Banyak negara-negara memberi vaksin ini kepada kanak-kanak sebagai langkah berjaga-jaga walaupun tidak memenuhi kriteria WHO.
9. PR-1331-L67059
Datuk Haji Datu Nasrun bin Datu Mansur [Silam] minta **MENTERI KEWANGAN** menyatakan apakah kesan terhadap sistem kewangan *Bitcoin* iaitu Mata wang alam maya terhadap ekonomi Negara, apakah kerajaan bersiap sedia untuk menggubal peruntukan perundangan bagi membolehkan pengawalseliaan atau larangan terhadap *Bitcoin* ini demi kestabilan monetari dan kewangan negara.
10. PR-1331-L66069
Tuan Ng Wei Aik [Tanjong] minta **MENTERI PERDAGANGAN ANTARABANGSA DAN INDUSTRI** menyatakan bilangan, jenis, kategori dan kelebihan setiap jenis Permit Import (AP) yang diberikan kepada setiap syarikat pengimport kereta jenama asing dalam tempoh 5 tahun yang lepas. Nyatakan rasional kenapa AP tertentu dapat digunakan untuk mengimport lebih daripada sebuah kereta.

11. PR-1331-L66054
Datuk Ahmad Jazlan bin Yaakub [Machang] minta **MENTERI KESIHATAN** menyatakan:-
- (a) kesiapsiagaan Kementerian daripada aspek peralatan seperti kemudahan klinik bergerak bagi menangani kes-kes kecemasan terutamanya sewaktu bencana; dan
 - (b) apakah langkah penambahbaikan yang bakal dilaksanakan bagi kelancaran perkhidmatan kesihatan sewaktu bencana.
12. PR-1331-L65654
Puan Hajah Zuraida binti Kamaruddin [Ampang] minta **MENTERI PENDIDIKAN** menyatakan adakah guru-guru pendidikan khas di sekolah-sekolah kebangsaan mendapat latihan dalam mengendalikan pendidikan kanak-kanak ini.
13. PR-1331-L66677
Tuan Haji Hasbi bin Haji Habibollah [Limbang] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah langkah-langkah Kementerian untuk memastikan jumlah-jumlah barang bersubsidi untuk rakyat di luar bandar adalah menepati keperluan dan betul-betul sampai kepada rakyat yang di luar bandar dan bukan penghantaran di atas angin sahaja.
14. PR-1331-L65939
Dato' Dr. Nik Mazlan bin Nik Mohamad [Pasir Puteh] minta **MENTERI KEWANGAN** menyatakan kesan pendapatan negara akibat daripada kejatuhan harga minyak dunia. Apakah tindakan Kerajaan untuk menghadapi defisit yang dijangka meningkat.
15. PR-1331-L67445
Dato' Ahmad Fauzi bin Zahari [Setiawangsa] minta **MENTERI KEWANGAN** menyatakan adakah Kerajaan bercadang untuk memperkenalkan bonus tahunan kepada Pencarum Kumpulan Wang Simpanan Pekerja (KWSP) seperti yang diamalkan oleh Amanah Saham Bumiputera (ASB) dan Tabung Haji.
16. PR-1331-L67389
Tuan Liew Chin Tong [Kluang] minta **MENTERI PERTANIAN DAN INDUSTRI ASAS TANI** menyatakan:-
- (a) jumlah bilangan beras yang disimpan dalam gudang mengikut pecahan negeri, daerah dari tahun 2008 hingga 2014; dan
 - (b) apakah tindakan Kementerian terhadap insiden 6,000 tan longgokan beras yang disimpan di gudang Simpang Ampat, Perlis selama tiga tahun dan menyebabkan beras tersebut rosak seperti dilaporkan oleh media pada 2 Februari 2015.

17. PR-1331-L67460
Datuk Hajah Norah binti Abd Rahman [Tanjong Manis] minta **MENTERI LUAR NEGERI** menyatakan sebagai salah satu anggota Kerusi Tidak Tetap Majlis Keselamatan Pertubuhan Bangsa-Bangsa Bersatu (UNSC), apakah Malaysia bercadang mempromosikan konsep kesederhanaan (wasatiyyah) sebagai salah satu strategi bagi mengamankan dunia dari peperangan, konflik dan krisis.
18. PR-1331-L67148
Tuan Jeff Ooi Chuan Aun [Jelutong] minta **MENTERI TENAGA, TEKNOLOGI HIJAU DAN AIR** menyatakan sama ada kadar tariff tenaga elektrik bagi kawasan berkongsi (*common areas*) di unit kediaman jenis bertingkat-tingkat tidak akan dikenakan takrif komersial seperti masa kini.
19. PR-1331-L65889
Dato' Haji Irmohizam bin Haji Ibrahim [Kuala Selangor] minta **PERDANA MENTERI** menyatakan:-
- (a) status Pelan Perpaduan Nasional yang sedang dirangka oleh MKPN; dan
 - (b) sejauh manakah pelan ini akan menjadi satu instrumen efektif dalam meminimum dan mengelakkan konflik kaum dan agama dalam mengeratkan lagi perpaduan dalam kalangan rakyat di seluruh negara.
20. PR-1331-L65496
Dato' Takiyuddin bin Hassan [Kota Bharu] minta **PERDANA MENTERI** menyatakan langkah Kerajaan menaik taraf dan menyeragamkan pentadbiran mahkamah-mahkamah syariah di Malaysia.
21. PR-1331-L65560
Datuk Sapawi bin Ahmad Wasali [Sipitang] minta **MENTERI BELIA DAN SUKAN** menyatakan cadangan menurunkan had umur belia daripada 40 tahun kepada 30 tahun dan perancangan terkini oleh Kementerian.
22. PR-1331-L65810
Tuan Wan Hasan bin Mohd Ramli [Dungun] minta **MENTERI SUMBER MANUSIA** menyatakan adakah Kementerian telah memperluaskan penggajian pekerja asing melampaui 6 sektor iaitu pembinaan, pertanian, perladangan, perkilangan dan perkhidmatan (sub sektor tukang masak restoran, pekerja pembersihan dan pencucian dan pekerja resort pulau peranginan).
23. PR-1331-L66645
Dato' Seri Reezal Merican bin Naina Merican [Kepala Batas] minta **MENTERI KEWANGAN** menyatakan mekanisme dan kaedah yang dilakukan untuk memantau *corporate governance* di kalangan syarikat-syarikat insurans luar negara yang beroperasi di Malaysia.

24. PR-1331-L66264
Dato' Mohd Ariff Sabri bin Abdul Aziz [Raub] minta **PERDANA MENTERI** menyatakan:-
- (a) mengapakah pihak Pendakwa Raya tidak memohon perintah mahkamah untuk merampas (*impound*) passport Koperal Sirul Azhar memandangkan beliau individu yang terlibat dalam suatu kes '*high profile*'; dan
 - (b) adakah pihak imigresen tidak menyedari pergerakan beliau ke luar negara.
25. PR-1331-L65838
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI SUMBER ASLI DAN ALAM SEKITAR** menyatakan selain daripada fenomena cuaca global, apakah faktor yang menyebabkan berlakunya bencana banjir dan apakah langkah-langkah Kementerian untuk memperkemaskan semula dan mempersiapkan sistem/struktur menangani krisis banjir/bencana setelah *post-mortem* bencana dibuat.
26. PR-1331-L67169
Tuan Gobind Singh Deo [Puchong] minta **PERDANA MENTERI** menyatakan sama ada Kerajaan pusat sedia untuk menimbang dan melaksanakan undang-undang yang diperlukan supaya seseorang bukan Islam perlu cerai dan selesaikan semua kewajipan beliau di Mahkamah Sivil sebelum memeluk agama Islam seperti dicadang oleh Negeri Sembilan. Apakah cadangan seterusnya Kerajaan untuk menyelesaikan masalah kekeluargaan yang mana seorang bukan Islam yang berkahwin dan memeluk agama Islam.
27. PR-1331-L67075
Dato' Hasbullah bin Osman [Gerik] minta **MENTERI PERDAGANGAN ANTARABANGSA DAN INDUSTRI** menyatakan mengenai perlaksanaan NAP 2014 menyasarkan kenderaan melebihi satu juta unit menjelang tahun 2020 menyatakan pelan pihak kerajaan bagi memastikan pertambahan ini tidak bercanggah dengan pelaksanaan dasar-dasar kerajaan yang sedia ada seperti peningkatan penggunaan kenderaan awam, pengurangan kadar pelepasan karbon dan sebagainya.
28. PR-1331-L66581
Tuan Zairil Khir Johari [Bukit Bendera] minta **MENTERI PENDIDIKAN** menyatakan sama ada kertas soalan simpanan bagi UPSR 2014 telah disediakan, dan jika ya, mengapakah kertas soalan simpanan tidak diguna pakai bagi mata pelajaran sains yang telah diketahui kebocorannya sehari sebelum ia dijadualkan berlangsung.

29. PR-1331-L65418
Tuan Haji Mohd Fasiah bin Haji Mohd Fakeh [Sabak Bernam] minta **MENTERI PERTANIAN DAN INDUSTRI ASAS TANI** menyatakan sejauh manakah kejayaan dan sambutan program "Jom Bertani" yang telah dilaksanakan oleh Kementerian khususnya bagi menggalakkan rakyat menjalankan kegiatan pertanian kecil-kecilan untuk menampung keperluan harian sendiri.
30. PR-1331-L66157
Tuan Wong Tien Fatt @ Wong Nyuk Foh [Sandakan] minta **MENTERI PERTAHANAN** menyatakan kos penyelenggaraan dua kapal selam yang kini berkhidmat di Sepanggar, Sabah setahun. Apakah misi bagi dua kapal selam itu yang akan dijalankan dan diperguna untuk membantu menjaga keselamatan di negeri Sabah.
31. PR-1331-L66353
Dato' Haji Abdul Rahman bin Haji Mohamad [Lipis] minta **MENTERI KEMAJUAN LUAR BANDAR DAN WILAYAH** menyatakan jumlah wang yang sudah diagihkan oleh Kementerian melalui Pihak Berkuasa Kemajuan Pekebun Kecil Perusahaan Getah (RISDA) untuk Program Bantuan Khas akibat kejatuhan harga getah dan adakah program ini akan diteruskan.
32. PR-1331-L66961
Tuan Wong Ling Biu [Sarikei] minta **MENTERI PENGANGKUTAN** menyatakan sama ada pelaksanaan AES (*Automatic Enforcement System*) telah diberhentikan atau dibatalkan. Berapakah kerugian yang perlu ditanggung oleh kerajaan pusat selepas berhentinya pelaksanaan AES.
33. PR-1331-L65667
Dato' Othman bin Aziz [Jerlun] minta **MENTERI PERTAHANAN** menyatakan:-
- (a) berapakah tempoh masa penutupan dan kajian semula bagi penambahbaikan Program Latihan Khidmat Negara (PLKN); dan
 - (b) kos-kos yang perlu ditanggung oleh Kementerian sepanjang penutupan berdasarkan kontrak yang telah dibuat dengan pembekal perkhidmatan bagi program berkenaan.
34. PR-1331-L65754
Tuan M. Kulasegaran [Ipoh Barat] minta **MENTERI PENDIDIKAN** menyatakan:-
- (a) jumlah peruntukan yang telah diberikan oleh Kementerian dalam pembangunan SJKT dari tahun 2010 sehingga tahun 2015; dan
 - (b) apakah perkembangan terkini terhadap pembangunan tersebut.

35. PR-1331-L66137
Tuan Ignatius Dorell Leiking [Penampang] minta **PERDANA MENTERI** menyatakan sekiranya Kerajaan bersedia menubuhkan Jawatan Kuasa/Badan Khas Parlimen untuk mengkaji balik terma-terma Perjanjian Malaysia 1963 dan Perlembagaan Persekutuan Malaysia untuk mengenal pasti jika terma-terma pembentukan Persekutuan Malaysia yang termaktub dalam *Inter Governmental Report* telah dilaksanakan atau tidak seperti mana yang seharusnya dibuat pada tahun 1973.
36. PR-1331-L67151
Dr. Michael Jeyakumar Devaraj [Sungai Siput] minta **MENTERI KEMAJUAN LUAR BANDAR DAN WILAYAH** menyatakan bila jambatan yang melintas Sg. Nengiri dekat Kg. Setlu, di kawasan Gua Musang akan dibaiki. Bagaimana pula dengan jalan-jalan tanah ke Pos Hau dan Pos Gob yang telah rosak akibat banjir di Kelantan pada bulan Disember 2014.
37. PR-1331-L67468
Dato Sri Dr. Muhammad Leo Michael Toyad Abdullah [Mukah] minta **MENTERI KESIHATAN** menyatakan cadangan untuk untuk menambahkan penempatan Pegawai Perubatan di Pusat Kesihatan Daerah Sarawak dalam Rancangan Malaysia Ke -11.
38. PR-1331-L67166
Datuk Ikmal Hisham bin Abdul Aziz [Tanah Merah] minta **PERDANA MENTERI** menyatakan secara terperinci jumlah kediaman dan infrastruktur yang musnah dalam bencana banjir di Pahang, Kelantan dan Terengganu pada Disember tahun lalu.
39. PR-1331-L65424
Dato' Seri Ong Ka Chuan [Tanjong Malim] minta **MENTERI DALAM NEGERI** menyatakan adakah Kementerian bercadang untuk mengkaji semula peranan Jabatan Pendaftaran Pertubuhan Malaysia (ROS) yang sentiasa terlibat secara langsung dalam hal dalaman badan-badan pertubuhan. Perkara Ini telah mencetuskan banyak pertelingkahan sehingga ada pihak mogok lapar di depan premis ROS baru-baru ini.
40. PR-1331-L66947
Tuan Mohd Rafizi bin Ramli [Pandan] minta **MENTERI DALAM NEGERI** menyatakan semua kontrak yang dianugerahkan/dimenangi (beserta jumlah) oleh Tetuan Aspek Tumpuan Sdn. Bhd. bagi kerja-kerja melibatkan mana-mana agensi di bawah Kementerian di antara tahun 2008 hingga dan 2015.
41. PR-1331-L66319
Tuan Nga Kor Ming [Taiping] minta **MENTERI PENGANGKUTAN** menyatakan apakah status terkini sistem AES (*Automated Enforcement System*) dan berapakah jumlah pampasan yang akan dibayar kepada syarikat konsesi.
42. PR-1331-L66375
Tuan Sim Chee Keong [Bukit Mertajam] minta **MENTERI DALAM NEGERI** menyatakan untuk memberikan statistik jenayah Malaysia dan Pulau Pinang untuk tahun 2014 mengikut pecahan jenis jenayah, kaum, jantina, dan umur si pelaku serta mangsa.

43. PR-1331-L66911
Datuk Jumar bin Idris [Sepanggar] minta **MENTERI PENGANGKUTAN** menyatakan:-
- (a) apakah status terkini siasatan tragedi pesawat MH17; dan
 - (b) apakah usaha Kementerian untuk mengurangkan risiko berlakunya tragedi seumpama ini yang melibatkan pesawat penumpang pada masa hadapan.
44. PR-1331-L66489
Tuan Sim Tze Tzin [Bayan Baru] minta **MENTERI KEWANGAN** menyatakan adakah Kementerian bersetuju dengan cadangan Jawatankuasa Kira-Kira Wang Negara (PAC) untuk memanggil Ketua Audit Negara mengauditkan KLIA2 secara komprehensif.
45. PR-1331-L65964
Dr. Che Rosli bin Che Mat [Hulu Langat] minta **MENTERI PENDIDIKAN** menyatakan beberapa contoh inovasi di peringkat Sekolah Menengah dan IPT yang berjaya ke peringkat antarabangsa dan usaha Kementerian mengkomersialkan produk mereka.
46. PR-1331-L67343
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI PERTANIAN DAN INDUSTRI ASAS TANI** menyatakan adakah Kementerian juga bersedia meneruskan inisiatif seperti Pasar Tani Khas yang telah dibuka di 51 kawasan berikutan dilanda banjir bagi membolehkan para pengguna terus dapat menikmati harga yang murah untuk mendapatkan barangan makanan memandangkan inisiatif itu dikatakan menjadikan barangan makanan dijual lebih murah 18% hingga 60% berbanding biasa kerana dijual terus oleh agensi-agensi di bawah Kementerian.
47. PR-1331-L65798
Dr. Noor Azmi bin Ghazali [Bagan Serai] minta **PERDANA MENTERI** menyatakan dengan pengalaman menghadapi banjir di Malaysia selama bertahun-tahun selama ini dan banjir besar terkini. Apakah Kerajaan bersedia untuk mewujudkan Kementerian khusus untuk menghadapi ujian ini dan mewujudkan tatacara pengurusan standard, aset dan sistem yang lebih baik.
48. PR-1331-L66600
Datuk Liang Teck Meng [Simpang Renggam] minta **MENTERI BELIA DAN SUKAN** menyatakan:-
- (a) bagaimanakah sambutan yang diberikan oleh belia kepada Program IKBN dan sejauh manakah kebolehpasaran graduan IKBN dalam mendapatkan pekerjaan selepas tamat pengajian; dan
 - (b) apakah strategi yang dilaksanakan oleh Kementerian dalam mengenal pasti potensi belia menerusi bidang tertentu dan menarik lebih ramai belia menyertai IKBN terutamanya belia di kawasan pedalaman yang kurang mendapat maklumat mengenai program.

49. PR-1331-L65773
Tuan Wilson Ugak Kumbong [Hulu Rajang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan mengenai tindakan ke atas pasar raya atau kedai-kedai runcit yang telah menjual semula barangan yang tertera label KR1M dan apakah langkah bagi mengatasi kegiatan membeli barangan KR1M di dalam kuantiti yang banyak untuk dijual semula contohnya di KR1M Kapit.
50. PR-1331-L65539
Tuan Nogeh anak Gumbek [Mas Gading] minta **MENTERI DALAM NEGERI** menyatakan adakah pihak Kementerian akan memperluaskan pengeluaran *i-card* untuk pekerja asing dan ekspatriat kepada suami dan isteri warganegara Malaysia yang kini terpaksa bergantung kepada pasport sebagai satu-satunya dokumen pengenalan diri mereka yang sah.
51. PR-1331-L67231
Tuan Haji Nasrudin bin Hassan [Temerloh] minta **MENTERI DALAM NEGERI** menyatakan jumlah premis judi yang telah diserbu kerana tidak memiliki lesen khususnya di Temerloh dan seluruh negara.
52. PR-1331-L66525
Tuan Haji Ahmad Lai bin Bujang [Sibuti] minta **MENTERI PERTANIAN DAN INDUSTRI ASAS TANI** menyatakan adakah pihak Kementerian akan melakukan kajian mengenai kesuburan tanah bagi tujuan pertanian di kawasan yang telah mengalami bencana banjir seluruh Malaysia baru-baru ini.
53. PR-1331-L67004
Tan Sri Dato Sri William Mawan Ikom [Saratok] minta **MENTERI KESIHATAN** menyatakan jumlah dan apakah perancangan Kerajaan untuk menambah bilangan pakar trauma dan perbidanan di kawasan luar bandar Sarawak memandangkan jumlah bilangan yang tidak mencukupi dan boleh menyebabkan krisis kesihatan.
54. PR-1331-L66688
Dato' Ngeh Koo Ham [Beruas] minta **MENTERI KEWANGAN** menyatakan kenapa ramai keluarga berpendapatan di bawah RM3,000 sebulan yang menjadi penerima BR1M mendapat kurang daripada RM300 untuk bayaran ansuran pertama sungguhpun diumumkan ansuran pertama adalah RM300 (daripada RM950-00 setahun).
55. PR-1331-L67306
Dato' Haji Mahfuz bin Omar [Pokok Sena] minta **MENTERI KEWANGAN** menyatakan apakah kesan langsung akibat kegagalan 1MDB untuk membayar kembali pinjaman kepada Maybank, RHB, MBSB yang mana pemegang syer utama ialah PNB dan KWSP.

56. PR-1331-L67068
Tuan Manivanan a/l Gowindasamy [Kapar] minta **MENTERI DALAM NEGERI** menyatakan:-
- (a) bilangan kes penyeludupan manusia dan/atau pemerdagangan orang mengikut pecahan umur 0-6 tahun, 7-12 tahun, 13-18 tahun dan 18 tahun ke atas, termasuk jantina dan kaum untuk tahun 2010 hingga 28 Februari 2015. Berapakah mangsa yang berjaya diselamatkan daripada jumlah kes tersebut dalam tempoh yang sama; dan
 - (b) langkah-langkah proaktif baru jangka masa pendek dan jangka masa panjang Kerajaan Pusat, jika ada, untuk menangani masalah penyeludupan manusia dan/atau pemerdagangan orang secara lebih berkesan.
57. PR-1331-L65614
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan mengapa pesara tentera (bukan pegawai) tidak dibayar sepenuhnya caruman mereka setelah bersara dari perkhidmatan tidak sebagaimana penjawat awam yang lain sebaliknya pesara tentera hanya dibayar 9% sahaja daripada caruman mereka justeru itu adakah Kerajaan akan mempertimbangkan tuntutan warga tentera berpencen supaya baki dana yang terkumpul diserahkan kepada mereka sebelum mereka meninggal dunia.
58. PR-1331-L67127
Puan Hajah Normala binti Abdul Samad [Pasir Gudang] minta **MENTERI PENDIDIKAN** menyatakan apakah langkah yang diambil oleh pihak Kementerian bagi memastikan tandas-tandas pelajar dan guru di sekolah-sekolah dijaga dengan baik dan sentiasa berada dalam keadaan bersih.
59. PR-1331-L67482
Tuan V. Sivakumar [Batu Gajah] minta **PERDANA MENTERI** menyatakan jumlah perbelanjaan secara terperinci yang telah disalurkan oleh Kerajaan kepada Malaysian Nuclear Power Corporation (MNPC) dalam tempoh 5 tahun yang akhir. Apakah kajian-kajian yang dilakukan olehnya dan sejauh manakah pencapaian dan manfaat yang dinikmati daripada kajian-kajian tersebut.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Pertanian dan Industri Asas Tani**

Rang Undang-undang Kebajikan Haiwan 2015

ATURAN URUSAN MESYUARAT DAN USUL-USUL

1. (D.R. 17/2015) Rang Undang-undang Hasutan (Pindaan) 2015 **Bacaan Kali Yang Kedua**

[Menteri Dalam Negeri]
2. (D.R. 23/2014) Rang Undang-undang Ahli Parlimen (Saraan) (Pindaan) 2014 “

[Menteri di Jabatan Perdana Menteri]
3. (D.R. 1/2015) Rang Undang-undang Ahli Kimia (Pindaan) 2015 “

[Menteri Sains, Teknologi dan Inovasi]
4. **Menteri Dalam Negeri** akan mencadangkan:-

“Bahawa Majlis ini membuat resolusi menurut subseksyen (4), Seksyen 1, Akta Dadah Berbahaya (Langkah-Langkah Pencegahan Khas) 1985 supaya akta ini hendaklah terus berkuatkuasa bagi tempoh 5 tahun lagi mulai dari 15 Jun 2015.”
5. **Menteri Kewangan** akan mencadangkan:-

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”
6. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Diperbadankan) membuat pelaburan dengan memperoleh sejumlah 10,000,000 unit saham biasa MyHSR Corporation Sdn Bhd, sebuah syarikat yang dimiliki sepenuhnya oleh Menteri Kewangan (Diperbadankan) pada nilai RM1 bagi satu unit saham.”
7. **Menteri Kewangan** akan mencadangkan:-

“Bahawa Majlis ini mengambil ketetapan iaitu menurut kuasa yang diletakkan padanya oleh Subseksyen 11 Akta Kastam 1967 supaya Perintah Duti Kastam yang dibentangkan di hadapan Majlis ini sebagai kertas statut bil. ST.81/2014, ST.99/2014, ST.4/2015, ST.5/2015, ST.26/2015, ST.27/2015, ST.28/2015 dan ST.29/2015 disahkan.”

8. **Menteri Kewangan** akan mencadangkan:-

"Bahawa Majlis ini mengambil ketetapan iaitu menurut kuasa yang diletakkan padanya oleh Subseksyen (2) Seksyen 6 Akta Eksais 1976 supaya Perintah Duti Eksais (Pindaan) 2014 yang dibentangkan di hadapan Majlis ini sebagai kertas statut bil. ST.30 tahun 2015 disahkan,"

9. PR-1331-U65762

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut."

[Perdana Menteri]

10. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM."

Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

11. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera. "

[Perdana Menteri]

12. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

13. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

14. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

15. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

16. **Dato' Seri Abdul Hadi bin Awang [Marang]** akan mencadangkan:-

"Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2015 seperti berikut:

i- menggantikan Seksyen 2 dengan seksyen berikut:

"2. Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Senarai 1 Senarai Negeri di bawah Jadual Kesembilan Perlembagaan Persekutuan.";dan

ii- memasukkan selepas seksyen 2 dengan seksyen berikut:

"2A. Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan diatas, sesuai dengan kehendak syariah Islam."

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2014</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.56	Laporan Tahunan Dan Penyata Kewangan Akademi Sains Malaysia Bagi Tahun 2013	09 April 2015

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
DR.3	Laporan Jawatankuasa Kira-Kira Wang Negara Parlimen Ketiga Belas – Tahap Prestasi Pengurusan Kewangan FINAS Yang Tidak Memuaskan Berdasarkan Laporan Ketua Audit Negara 2012 Pengesahan Penyata Kewangan Badan Berkanun Persekutuan	09 April 2015
ST. 65	Laporan Tahunan Dan Penyata Kewangan Kumpulan Wang Simpanan Pekerja (KWSP) Bagi Tahun 2014	09 April 2015
ST. 61	AKTA AHLI PARLIMEN (SARAAN) 1980 [AKTA 237] Pindaan Kertas Statut 95 Tahun 1980 (Elaun dan Keistimewaan bagi Yang di-Pertua Dewan Negara dan Yang di-Pertua Dewan Rakyat)	09 April 2015
ST. 62	AKTA AHLI PARLIMEN (SARAAN) 1980 [AKTA 237] Pindaan Kertas Statut 102 Tahun 1980 (Elaun dan Keistimewaan bagi Timbalan Yang di-Pertua Dewan Negara dan Timbalan Yang di-Pertua Dewan Rakyat)	09 April 2015
ST. 63	AKTA AHLI PARLIMEN (SARAAN) 1980 [AKTA 237] Pindaan Kertas Statut 235 Tahun 1983 (Elaun dan Keistimewaan bagi Ahli Parlimen)	09 April 2015